



Hmasawna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Daily & Direct Service

JIRIBAM / HMARKHAWLIEN

C/o Babita # 9862129273

Contact Numbers pawimaw : DC/CCPur : 03874-234234 SP/CCPur : 03874-236747 Police Station : 03874-202248 SP Control Room: 03874-233239 Dist. Hospital Casualty : 03874-233370 Fire Brigade : 8974 147 799/ 8258 057 887 / 8974 103 600

Hmasawna Thar Vol - 32/171

Churachandpur

email : hmasawna@yahoocom

Phone: +91-3874-236846

Rs 6/- per copy

Hmar Martyrs' Trophy 2017 Opening Ceremony



CCPUR: The 14th Manipur State Level Hmar Martyrs Trophy, 2017 Opening Ceremony zani zantieng khan Saikawt khelmuol-ah nei a ni a, hi huna hin Chief Guest in Pu Thangjang Haokip, President, Kuki Inpi, CCPur a thang a, Pu B. Dongzalian, Chairman, Zomi Council (ZC) le Pu Joseph Lalrothang, President, Hmar Inpui GHQ hai guest of honour le functional president in an thang.

hi talent tha tak a nih. Hmar hnam ta dinga Martyr hai hriezingna dinga hiengang tournament huohawta um na thuah hnam thuoithai inpakum a ti thu a hril a, International level chena khel phak thei dinga thang la dingin player hai an fui. A thuhril zoin organizer hai kuomah thilpek an hlan.

tiin mipui fekhawm hai a fiel. Pu Joseph Lalrothang chun, hiengang hun thung thei nawka ei um chu lawmum a ti thu hrilin, ei thang na san ei hriet seng a, ei ta dinga hringna lo pe ta hai ei hrietzingna a nih. Tuta dama la um hai ta dinga hringna lo pe tahai an ni lein ei inza hle a nih.

“Aw Kan Hmarram” ti hla (Official Anthem) chu sound track playin Players le Referee & Linesman haiin march an nei a, chu zoin Chief Guest, GoH, FP in inspection of players an nei zoin Chief Guest in a Kick-Off a, match tan a nih.

Pu B. Dongzalian chun, HMARTOB in ditsak taka an fielna chu lawmum a ti thu a hril a, ama mimal lem chun hiengang function hi a thang vavikhatna a ni thu, Kuki-Mizo-Zomi-Hmar inhmelhrietna remchang, sak-le-thlang-inunauna, Kristienna suklangna hun a nih thu hai a hril. Manipur MLA Election a khan ZC chun Election free and Fair a puong a, Hmar Martyrs Trophy khawm hin Fair taka play a, Kristien nummawi tak suklang dingin inkel ding hai an fui. Hnam ta dinga martyrs hai ngaisang um a ti thu hrilin, thiemna le varna hmangin ei ram sukvl nawk ei tiu

puong a ti thu a hril. Tienlaia ke pet thliek, mi va suk nat tum kher ang chi kha thaw lo dingin players hai a ngenin tournament luong taka fepu dingin ditsakna an hlan.

Pu Thangjang Haokip chun, Football chu game pawimaw tak a ni thu, Games inhnik hi a tha a, thangthar tam takin drugs an thaw lem hi thil pawit tak a nih. Hlasak le sport thiem

CHANCHIN LAKTAWI

BJP Foundation day

CCPUR: Bharatiya Janata Party (BJP) chun District BJP Office, Tiddim Road, Opp. SBI, CCPur Branch, CCPur Manipur-ah April 6, 2017, 10AM hin 37th Foundation Day hmang an tih. Hi huna hin Pu V. Hangkhanlian, Vice President, BJP Manipur Pradesh in candle sitvarna le thuhri-na hun hmang a ta, thuhiril nuom nei hai ta dingin hun hawng ni bawk a tih.

Review meeting nei



CCPUR: Zanikhan Dr Kim Simte, CMO/Vice Chairperson, District AIDS Prevention and Control Committee (DAPCC) inrawinain DACO Office chamber-ah monthly review meeting nei a nih. Hi huna hin meeting hmasaa resolution hai enawna, Testing Centre tum tuma Annual performance report peklut hai entlang a ni bawk. Meeting-a hin ART Centre a Counselor, Targeted Interventions tina Project Manager le District sun-ga National AIDS Control Program (NACP) Facilities Centre 28, Link Worker Scheme (LWS) tina District Resource Persons hai bakah District Program Manager, NHM, CCPur hai Integrated Counseling and Testing Centre 16 le TI-NGO, SHALOM, PPO le LRRC haia inthawk palai hai an thang.

Sunrise Gas sem ding

CCPUR: M/s Sunrise Gas, Tipaimukh chun 11-11-2016 nia lahai ta dingin April 6, 2017, 9:00AM hin Gas sem nawk an tih. Gas la ding hai chu Aadhar Card Xerox copy chawi seng dinga inhrietit an nih.

Lampui siemthatna sunzawm pei



CCPUR: Minister V. Hangkhanlian hmalaknaa Public Works Department (PWD), CCPur Division in IB Road lampui siemthatna sin an thaw chu zanikhan sunzawm nawk a nih. Lampui siemthatna sin hi March 27, 2017 a inthawka kha tan a ni a, zanikhan lampuia 40mm lung sunga um, hai Road Roller hmanga sukden a nih. Tuhin Mission road fe

pheina chen zo a ni ta a, sunzawm pei a.

Lampui siemna ding hin sun sanction la um-naw sienkhawm Minister in mipui hmakhuo ngaina leia Chief Minister le Works Minister hai an biekipi hnunga lampui siemthatna sin hi PWD CCPur Division in an thaw tan a ni a, lampui dang dang hai khawm a dawt dawta thaw pei ning a tih.

Ginsuanhau in thlangtling tu hai kuoma lawmthu a hril



CCPUR: Pu Ginsuanhau, MLA chun zani zantieng SPM khan Lailam Veng-a a chengnain ah tuol-sung chanchinbu reporter thenkhat an hmupui a, 60-Singnat A/C -ah tuta hmam tukhawm hi biela inthawka a zawna term hni thlangtling in la um ngai naw thu le, tuta tum election-ah thlangtling nawka a umna thuah thlangtlingtu mipui le Pathien kuomah lawmthu a hril.

A hril pei naah, Sangai-kot biela lampui siemna ding March 31, 2017 khan Delhi-a inthawk sanction lakdawka a ni ta thu hrilin sinthawna mipui hai thlawp dingin a ngen. Congress in sawrkar siem naw hai sienkhawm sawrkar siemtu hai ruol le pai vang an ni thu, an sin thaw hai a lawmpui thu, anni leh thangruola hmatieng sin thaw pei a ni ding thu, Election leia thi le hliem um lova thienghlim taka zo theia a umna thuah Pathien kuma lawmthu a hril thu, a biel sunga ama vote le vote nawtu hai thlierhranna a neinaw ding thu, MT Geltam le Muallam a Riel in inching a suksiet hai kuomah rangva semmek a ni thu, WhatsApp hmanga indemsiet le voice record thawndar hai tawpsan a hun tah tiin a hril bawk.

Class-XII Physics Exam Question paper a leaked; a maw Council in phur a tih: DESAM

IMPHAL: Council of Higher Secondary Education, Manipur hnuoia Higher Secondary Examination(Class-XII), 2017 fe meka zanita exam-naah thil indiklo a um tiin Democratic Students' Alliance of Manipur(DESAM) chun an intum. Zanikhan DESAM le All Liangmei Naga Students' Union, Assam, Manipur le Nagaland Volunteer thangruol han tlangram district a exam centre 2 thangsain exam

centre 7 inspection an thaw a. T.S Paul Women College Exam Centre, Wabagai le Kakching Higher Secondary School Exam Centre a exam studenthai chu puotienga inthawk answer supplied an nih. Question No.1-20 chu a thuin answer thawn an nih tiin zanita Imphal hmuna Reporter-hai an hmupui huna N.Adison, General Secretary, DESAM chun a hril. T.S Paul Women College a hin HRD Acad-

emy, students le Kakching Higher Secondary School Exam Centre a hin Patma Ratna English School le Paul Star Colleges, Wabagai student-hai an exam a nih. N.Adison in a hril peinaa chun, Exam hi zing dar 10 a tan le chawhngung dar 1 a zo a ni a. Nisien-lakhawm vawisuna question paper(Physics) chu zing dar 9 ah Social Networking Site-ah uploaded hman a ni tah. Hieng ani

chun Student-hai kuomah question hi exam hma dain a lo leaked hman ta tina a nih. Question paper leaked-naa mawphurthu chu Council of Higher Secondary, Manipur a ni ding a nih. Hi thil lung thua hin Council in hrilfienna a siem raw seh tiin N.Adison chun a hril. Exam chungchanga Council Chairman in thuiem a siem chu fiemthu a hung inchang ta a nih tiin a hril bawk. Exam tan hma hin Council Chairman

chun, Class-XII exam hi zalen le thienghlim taka huohawt a ni ding thu, Flying Squade ruot an ni thu le enruk phal a ninaw ding thu hai a lo hril a nih. Nisienlakhawm exam centre puoa thangpuitu tam tak an um an hang hmu chu an lungriil a thawng hle niin DESAM chun an hril. Exam fel tawk nawna thua hin DESAM chun Council of higher Secondary Education, Manipur kuomah complaint an siem.

Pakistan in Gilgit-Baltistan Province 5-naa puong a tumna India in a hnaw! J&K pumpui le PoK India ram vawng a nih: Sushma

NEW DELHI: Pakistan in Gilgit-Baltistan a rambung (frontier)/ province 5-naa puong a tumna chu India chun thil theilo hulhuol a nih tiin a hnaw!



Zanita Lok Sabha hmuna zero hour huna Biju Janata Dal (BJD) thuoitu Bhartruhari Mahtab indawna dawnin External Affairs Minister Ms Sushma Swaraj chun, Parliament-in Jammu and Kashmir chu India rambung pawimaw tak a ni thu resolution siemin a lo pass ta a, Pakistan occupied Kashmir (PoK) thangin Jammu and Kashmir ram pumpui chu India ramsung (territory) a nih tiin zanikhan Lok Sabha hmuna a hril. J & K chungchanga NDA sawrkar thiltum le policy tukhawma ringhla lo dingin a hril.

Foreign Affairs Sartaj Aziz inrawinaa Committee chun Gilgit-Baltistan chu Provincial status pek a, Pakistan province 5-naa puong dingin rawnta an siem thu Geo TV kuoma a hril a. Hi le inzawm hin constitutional amendment thaw a ni ding thu a hril bawk a nih.

Tuta Pakistan-a Provinces 4 um mek hai chu - Balochistan, Khyber Pakhtunkhwa, Punjab le Sindh province hai an nih. Gilgit-Baltistan area hi dollar 46 billion CPEC in a fethleng

a ni lein Pakistan le China sawrkar ta ding chun hmun pawimaw tak a nih. Hieng laizing hin Kashmir issue chungthu chingfelna dinga third party an hung inrawl chu Congress in a dodal thu Congress spokesman Ajoy Kumar chun zanikhan a hril a, hi chungthua sawrkar thlungpui ngirna chu thlawpin Shimla Agreement angin Kashmir chungthu chu India le Pakistan in an chingfel ding ani a, third party an inrawl ding a ni nawh tiin Ajoy Kumar chun a hril. Hi thu hi zani hmasaa US Ambassador to UN Nikki Haley in Indo-Pakistan kara ineptuona umzing chingfelna dingin US President Donald Trump administration an rawl el thei nia a hril le inzawma a hril a ni a. Hi chungthu hi Centre-a NDA sawrkar chun a hnaw! hmak ngal a nih.

Enruk thaw student 4 hnawtdawk

IMPHAL: Council of Higher Secondary Education, Manipur hnuoia Class XII Exam fe meka chun enruk thaw leiin zanikhan exam hall a inthawk students 4 hnawtdawk an nih. Tuta hma khawm khan enruk thaw le mi aia exam mi 10 chuong hnawtdawk an lo ni tah.

Mi thuoihmanga Rs. 2 crore ngen-tu laia mi man

IMPHAL: Imphal West Police Commando hai chun zani zantieng khan tuta hma Teklei rawna Brick Field neitu Soibam Dhanabir Singh of Tera Lukram Leirak neitu naupa thuoihmanga an tansuokna dinga Rs. 2 crore ngen-tu laia mi nia intum N. Ojit Singh (40), s/o N. Joykumar Singh of Tera Sapam Leirak chu an man a, Lamphel Police kutah an peklut.

Computerised Counter hmang tan; harsatna a la um

CCPUR: Manipur-a district tum tum um hai laia a hmasatak District Hospital, CCPur-a Computerized Patient Registration (PiCa Soid) Computerized Counter chu hawng a ni hnungin hmang tan mek a ni a. Amiruokchu, a hmang dan thuah mipui tiengpanga inthawk harsatna a la um met lein ticket lak le peksuok thuah harsatna a la um.



Out Patient Department (OPD), Dist. Hospital-a damnaw inen ding hai chun Counter hluiah Token lak hmasak a tul a, Token number dungzuiin Ticket Counter a inthawk Ticket lak ding ti a ni a, sienkhawm mi tam tak ticket counter kawtah ticket la hmasa ni an inchu tawl a nih.


Tuta system thar dungzui hin OPD ticket-a hin damnaw entu ding hai hmang a chuong a, chu dungzuiin damnaw inen ding hai kuomah Token (Blue, Green le Red) pek an ni a, chu token dungzui chun counter-ah ticket hi lak ding a nih.

Ticket lakna chungthua hin staff indaitaw an um-naw lein mipui hai hre them hram dingin Dr J. Son Goukham Samte, Medical Supdt. Dist. Hospital, CCPur chun ngenna a siem.

Computerized Ticket Counter hi Bank hai anga Token number dungzuiin

Nagaland MLA hlui Motor eksiden-ah nuhmei pakhat a thii

DIMAPUR: Zanikhan Nagaland-a Peren district sunga Tesen village-ah Dimapur pana tlan Mahindra Scorpio NL07 C 5722 chu Chumukedima Police check gate bula rawl feet 150 vela insangah tlanliemin Chathe vadungah a tlatul a, nuhmei kum 64 mi Alo Zeliang a thi a, MLA hlui Tarei Zeliang nuhmei Leikiezui Zeliang (51) le driver Iranchi Zeliang bakah pasal kum 61 mi Asecu Zeliang hai chu na takin an hliem a, Referral Hospital le HK Hospital, Chumukedia hai panpi an nih. Eksiden hi zani zantieng 1PM vela kha lung nia hril a ni a, motor hin lung a sir pel leia rawla tlatul nia hril a nih.



Bolero motor hi Terei Zeliang ta nia hril a nih. Terei Zeliang hi Peren District, Nagaland-a Tenning constituency Congress MLA hlui a nih.

VDF hai hlaw Rs. 6000/- dingin

IMPHAL: VDF Personnel hai remuneration chu January 3, 2017 a inthawk thlakhatat Rs. 6000/- plus ration money Rs. 1000/-

ni ta dingin Special Secy. (Home), Govt. of Manipur chun zanikhan Governor hmangin Order an suo niin ei thu dawngna chun a hril.

Transfer & Posting

1. C. Arthur Worchuiyo, DC/IW as DC/Senapati
2. Krishna Kumar, SDO/Ukhrul as DC/Chandel
3. Anand Prakash, IPS, on return from Central Deputation as ADGP(L&O) & ADGP (Prisons) in addition
4. Dr Pramod Asthana, IPS, on return from central deputation as ADGP (AP/Trg)
5. P. Dounjel IPS, ADGP(Prisons/intelligence) as ADGP (intelligence)
6. Christopher Dounjel, IPS, ADGP (AP/Trg) and ADGP (HG) in addition as ADGP (HG)
7. R.K. Meme Devi, IPS, DIG/CID (CB) as DIG/CID (CB) and Director of Fire Services in addition

Cocaine Rs. 17 crore manhu leh nuhmei pakhat man



MUMBAI: April 3, 2017 khan Chhatrapati Shivaji International Airport-ah Ms Kiangte Lalthlamuani chu Narcotic Control Bureau (NCB) han an dapnaah a handbag sunga inruithi Cocaine kg. 2.85, Rs. 17 crore manhu ding an dapdaw lein a Cocaine pai leh an man. Ms Lalthlamuani (47) hi Meghalaya-a cheng niin NCB chun an hril.

naa hung vuong niin NCB senior officer chun a hril. NCB chun a Cocaine phur hi tu kuoma peksawng a tum am ti hrietsuok tumin an dawp mek. March 26, 2017 khawm khan Mumbai Airport-ah nuhmei pakhat Vanessa De Kock chu NCB han inruithi a phur lein an lo man ta a, tukum sunga nuhmei drugs phur Mumbai city airport-a man a pahinna a nitah. Vanessa De Kock kha Methaqualone kg. 4.9, Rs. 1.47 crore manhu le an man a nih.

VAWISUN THUPUI

Suol chu fe san la, thiltha thaw rawh; inremna zawng la, hnawt rawth. Lalpa mit chu mifelhah chungah a fu hlak a; a na chu an khekna tieng a daw hlak. Lalpa hmel chun thil suksuoltuhai chu a do hlak a, anni hrietzingna chu hnuoia inthawka sukbohmgang dingin.
- Sam 34:14-16

Editorial

Furpui urlawk

Thal hun a hung bo a, Fur a hung intan ta lein ruo a sur a, thli a hrang a, kawt anlep a, tek le riel hai an hung tla a. Tulai tak hin furpui ei urlawk a nih. Khawmuol um dan le fe dan ding chungah hin mihriem han thaw thei ei nei tlawm hle. Khawmuol (weather) chungah thuneitu chu Pathien chau a nih. Khawmuol um dan le fe dan hin Pathien ropuzie le thil thaw theizie an lang chieng hle. Khawmuol um dan ding le fe dan ding thuae thuneina nei naw inlakhawm, furpui hungtlung ding leia fak le dawn lo sekkhaw, siet theina ding lo inveng, tui hnar a um theina ding ramngaw siem, boruok lum taluo ding vengnaa thing le ruo phun tam le ramngaw humhim ti-hai ruok chu mihriemhai thaw ding le mawphurna an nih. Hiengang bawh hin hnuoi le tui hnuoia ramsa, vate, Nga le thilhring chi tum tum hai humhim khawm mihriemhai mawphurna tho a nih.

Ei ram leilung nghetnawzie chu mit ngeia hmutu vawng ei ni a. Furpui tak tak a hungtlung hma ngeia fak le dawn ding, a bikin tlangram biel haia bufai lo sekkhaw! hi a tul a. Hi lei hin ei ram sawrkar hin tlangram biel mihai hmakhuo ding ngaia bufai lo sekkhaw! hi ngapawimaw sa sienla nuom a um. Furpui hungtlung huna chun mim-kei rapthlak tak tak hungtlungin, ei lamlien hai suksiein a sukchim rek ding a nih ti chu a chieng sa a nih. Manipur mipuihai damna le hringna lampui NH-2 & 37 hai lem hi chu furpui siet hma ngeia siemthat tulna hmun hai siemthat chu sawrkar thaw ding makmaw a nih. Thaw ding tul tam tak um sienkhawm hi thil hi ei state sawrkar thaw hmasak ding niin an lang.

Mihriem siemfawm economic blockade leia ni 139 (thla 4 le a chanve) zet el Manipur mi han harstna namen lo takel ei tuor kha ei la hriet tawl seng ring a um. Khuorel sietna lei ni lova mihriem siemfawm economic blockade leia harsatna nasa tak ei tuor khawm kha a huntawt ta hle a. Hi lei hin khuorel sietna leia harsatna ei tuok ding lakah ei lo inveng hi ei thaw ding makmaw a nih. Kum tin furpui huna mimkei le lamlien siet lein harsatna ei tuok hlak ti chu ei state sawrkar khawmin a hriet. Amiruok-chu, hi thila ei state hmalak dan hi dittawt a um nawh. District Headquarter tina nuhmei bazar bawl nek chun NH-2&37 siem thatna hi ei state sawrkarin ngapawimaw hmasa sienla nuom a um.

Ei ram lien lem hi tlangram, rawl le ruom inthuk tak tak takah a ram leilung nghet lo bawh a nih ti chu ei hriet seng. Hieng a ni leia furpui hun zata setna tuokhlak ei ni a, chu sa khawm chun sawrkar hmalakna hi a hrattawt naw a, a chaini a muong hle. Hi lei hin sepu ruo tuor an hril ang deuin kum tinin sepu ruo tuorin ei tuor tlawk tlawk el hlak niin an lang. Tuta hmaa inthawka NH-37 (Imphal-Jiribam road) a leilak awngrawp le lamlien sietna zool hmun hai khawm siem that zo a la ni naw a. Ei hmbak ding hi an ko hle. NH-37 hi furpui hun lai chau hrietfuk a hlak hlak a. Thal huna motor an tlan tawt tawt thei huna inthawt ta khan sawrkarin ngapawimaw sienla chu NH-37 hi hiengang ngirhmun chauva hin um ta naw nih. siemthat hun a ni tah.

Central-a BJP an sawrkar tan tir laia inthawka kha NH-37 siem thatna sin hi thaw ding hril ta a nih. Amiruok-chu, tuchen hin hma a sawn thei chungo der nawh. Prime Minister's 100 Days programme-a khawm a thatng nia hril a ni a. Tuhin Central-a BJP sawrkar chun an term an hmangozaw el ding a ni ta. NH-37 chungthua hin chu ieng an ni bik nawh. PM's 100 Days programme a khawm a thatng naw a lo ni el dim chu maw? Ngaituo chet chet le suizui tham a tling a nih. Tuhin Manipur State a ngei an hung sawrkar a, iem an hung ang ding? Mipui chun tumte thilir takin ei lo thir a nih.

Mipui hlak chu National Highway, rawl pang intan tak takah ei kawp fir fer a, In bawl na lamlienpui siem-naah hnuoi nghet tasa ei sukderhawng a, chu chu ei tuor hle si a nih. Chun, National Highway sir chen chen lo in ei siem a, thing le ruohai kum tin ei vat a, ei raw nam pei a. Ei lamlien sir sukngthetu ding thing le ruo puitling a um ta naw a. Mimkei hi a tlung a, ei lamlien a chim pei el a nih. Hi lei hin lamlienpui sir kilometres chanve vel bek hi chu reserve forest an hla thei inla chu ei lamlienpui hi nghetin a tlo lem deu ring a um. Tuta ei khawsak dan hi chu mani le mani Mankhawng (chang) ei inkam khum ang a nih. Hi lei hin National Highway pang a chenghai khawm ei lungril ei thlaktlanglam a tul a nih.

Nuhmei suollua um hai compensation sukpong a tum thu

MUMBAI: Maharashtra sawrkar chun Nuhmei sex thila sawisak, acid hmanga bei le suollua um hai kuoma compensation Rs. 3 lakh pek hlak chu Rs. 10 lakh a sukpong tum a nih tiin zanikhan Bombay High Court an hrietitir.

October, 2013-a tan Manodhairya Yojana hnuoia Maharashtra sawrkar chun nuhmei hai chungah nunrawngna, sex thila sawisakna le suollua um hai compensation Rs. 3 lakh pek dingin a lo rel a nih. Compensation baka hin sawrkar chun victims hai chu counselling le a tul chun vocational or educational training hai a pek bawh a nih.

Mumbai Highr Court chun tuta hma khaan cases thenkhat hai compensation pek hlak chu Rs. 10 lakh a sukpong dingin thurawn a lo pek ta a nih.

I LOVE HER

Ziektu - HZate, Hmar Run. Pic/model: Biaktluangi Hmar



"I ngaizawngnu kha ka thei hnung a ni kha!" tia WhatsApp-ah thu ka dawng ni tluka ka lungril nat kha ka la hriet nawh. Chu thu chu thlalakin a zui a, ka hmangai em em, ka nun nia ka lo hriet hlak leh intheida naw hmel fahran a saruok thawthanga an zal lai thlalak a nih.

Ka hmu char le ka mita inthawka mitthli far kha ka dang hman nawh. Ka nun, ka iengkim nia ka lo ngai le ama khawmin hi hmangai ve vieua ka lo ngai chu hieng el hin nun a lo hmang ti ka hriet chun na ka ti ngei el.

A hmur a fawp khawm nuom naw khan mi dang lakah chun a lo inphal rai hle a nih ti ka hriet chun um dan ding tak khawm ka hriet nawh. Ka lungril hi sun angin a na ngawi ngawi a, ka natna suksuoltou dingin a ngaizawng hlak chu hnam dang a lo ni nawk a. Mak ka tiin na ka ti a, ka hrietthiem thei hlawl naw a nih.

Chawmkhat ka inggaituo hnung chun, "I ta dingin a hlui tah; sienkhawm, ka ta ding chun a thar a nih. A nunhluih ka buoi nawh; a nun thar lem hi ka ta ding a ni leini! Ka hmangai a, hmangai zing bawh ka ti; asanchu, I Love Her!" ti chau te hi ka thawn a. "Hlim takin um ro!", ti char hi a hung thawn a, a re ta vang vang a.

WhatsApp Group pakhat a inthawka a inhre tan kan ni a. Khuo khat ni inlang khawm Kohran khat kan ni naw leini ka lo hriet ngai bek bek nawh. WhatsApp group a inthawk mimal taka inpawlin, inpawla inbe zing chun inngainatna a um a. Intheida naw na na chu kar 3 zet zawt ka bem hnung chun a ka fielna chu mi pawmpokin , inhre ngai naw kha ruolah, ruol kha ngaizawng kan ni tah a.

Ama leh chun nun hi a hlimumin a'nhwai a. Rinumna karah khawm beiseina ka nei hlak! Chuonga a a chanchin ka hei hriet el chu mak ka ti em em a. A tir chun thei nhal el ka nuom hiel; Sienkhawm, ka inggaituo a, ka hmangai tak tak a ni chun a nunhlui ni lovin a tu nun lem hi ka ta ding a nih ti ka hriet a. A chanchin chu kimchang taka indawmin, a mi hril a, chu pa a lo kawp leia a nat pha dan le an inthe hnung chena a la sukbuoi dan chenin a mi hril a. Ka lunginsietin ka hmangaina a zuol.

"Kum thum liem ta a kha hi pa le hin kan

inngaizawng a" tia inthawka tanin an um dan, hun an hmang dan le nupa nun chena an lo hmang tak dam a mi hril a. A mi hril lai chun na hle langkhawm a ngaithlak ka sin a ni leini ka ngaithlak ran a. A tawpah chun, "Ka nun a thil tam tak i hriet ta a, i ta dingin ka tling nawzie ka hriet a, i nuom chun mi maksan el rawh. I ta dingin natna intuntu mei mei ni pangpal ka ti!" a ti a, a tap feih feih a. "Chel naw ka ti che. Ka tling naw a nih!" a ti nawk a.

A nun dan po po ka ngaithlak zo chun, ka kuo a, a mitah enin, "Ka hmangai che. Ka ta ding chun mi thienghlim i nih. Ka hmangai na che hin iengkim a hmu tha vawng! I nunhlui ni lovin i nun thar lem hi annawm ka dit le ka ta ding chu." tiin inthla ka tum naw thu ka hril a.

Tap puma lawmthu mi hrilin a mi kuo ve ngawi ngawi a. A wawikhatna dingin a hmur inno em em el, siemtu hin a uluk bik am anih ti el dinga mawia chun ka fawp ngawi ngawi a.

Chu taka inthawk chun duot taka enkawlin, a nat ka phal ta nawh. Duot thei tawpa duotin, a natna ka hrietthiemtui a, a hlimna intlun ka tum fan hlak. Ka lakah ringna a inngat angin a lakah ringum ka tum a. A mi mamawnaah chun ka sukhlawm ngai nawh. Inpaw takin nun kan hmang a, ka lakah insit hlak sienkhawm, mani inngaihnuiinaa a sip ka nuom naw leini ka ta ding a thatna ka infa mawl mawl hlak.

Hmangaina hi mi tling tawngna ni lovin, mi tling naw tak khawm tlinga pawmna a ni leini ka hmangaina hin a tling nawna po po a pawm vawng a. Vawikhat a suksuol leia a nun pumpui beidawngna kara a hmang ka phal bawh nawh. Ama khawmin ka hmangaina brethiemien a mi'n za em em a, kei khawmin inza taka enin kan inkarah inthrietthiem nawnain hmun a chang ngai nawh; inthrietthiem lehnun kan hmang tlat leini.

Ka hmangai em leini chan ka nuom naw a, ka phal bawh nawh. Chuonga intheida naw na na chu a tawpah chun, damsunga puonthu pawt Tawmpui dingin ka in sung ngeiah a hung inlawi tah a.

03 March 2017 [Thingdawl]



Rangkachak Rs. 2 crore manhu leh man

GUWAHATI: Government Railway Police chun zani hmasa zan kha Guwahati Rel station-ah Dibrugarh-Kolta Down In-dran Express an dapnaah Rel passenger pakhat chu rangkachak (gold biscuits) piece 26, Rs. 2 crore manhu

leh an man. Gold biscuits mana um hi kg 4 a tling tep nia hril a nih. Mana um pa hi Assam-a Karimganj district mi niin an hril a, rangkachak hi West Bengal tiengsa phur a tum niin an puong tiin Official hai chun an hril.

Assam-ah mimkei le Tek tla leini mi 5 in thina an tuok

GUWAHATI: Assam-a chun tulai hnaia ruo nasa taka a sur le karkhat liemta sung khaan mimkei tlung leini Bonda area hmuna private school-a hnuoi choa inhlawfa mi pahni hai chu mimkei in a vur hlum hai chu Dhubri district-a Alam-gang zani hmasa khaan hmun hran hran pathum-

Hailakandi, Bangaigaon le Karimganj distric haiah Tek tla in mi 3 a deng hlum bawh. Hailakandi le Bongaigaon haiah Tek in mi 1 ve ve a deng hliem bawh Mimkei in a vur hlum hai chu Dhubri district-a Alam-gang zani hmasa khaan hmun hran hran pathum-

NABARD Amendment Bill 2017 hril tlangna nei

NEW DELHI: Zanikhan Lok Sabha hmunah National Bank for Agriculture and Rural Development (NABARD) Amendment Bill 2017 suklangna nei a na, members haiin hril tlangna an nei. Bill chu Union Finance Minister Arun Jaitley in a putlut a nih. Bill thara chun NABARD capital Rs. 5,000 crore a inthawk Rs. 30,000 crore central sawrkarin sukpong pek dinga ti a na, RBI leh inhriepaw in 30,000 chung

khawm siem pek thei dinga ti a ni bawh. NABARD Amendment Bill 2017 chu passed a ni chun, pawisa an puktir hlak cooperative banks hran hran hai an mamaw tawp pe thei tang a ta, NABARD ta dingin hamthatna an tlu pha ding a nih. Chu baka chun, NABARD chu a sinthawna inzauna ding Bill chun a phur sa a, tlangram kilkhawra hai lut tang a ta, sin neilo tam tak khawm sin a pek thei pha bawh ding a nih.

Swine Flu leini pasal kum 52 mi a thi

DEHRADUN: Uttarakhand-a chun Swine Flu-a damnaw leia hospital-a enkawl mek pasal kum 52 mi chu damzo lovin a thi. Swine Flu leia thipa hi Rajawala area mi a ni a, Swine Flu symptom a nei leia Laboratory-a a thisen sample enfel dinga Delhi tiengsa thawn le a result ngah le hriet a ni hmaa March 26, 2017 a kha thi

niin Chief Medical Officer YS Thapliyal chun a hril. Delhi-a inthawk test-na report dungzuin Swine Flu a ni ngei ti sukchieng a nit ah tiin YS Thapliyal chun a hril. Swine Flu a ni le ninaw enfel ding hin ringhla mi 27 hai thisen sample lak a ni a, hieng hai laia 4 hai chu enfel an ni hnungah positive an nih ti sukchieng a ni bawh a nih.

Sakhaw rawngbawltu Pistol 12 leh man

GHAZIABAD: Police han Uttar Pradesh State a Muzaffarnagar District sung Jansath town-ah zani hmasa khaan Muslim sakhaw rawngbawltu Hairz Mohammad Tahir chu Pistols 12 leh an man. Jansath town a Mosque pakhat Imam sin thaw niin Police chun an hril. Tahir hin tuol-suok Pistol hai hi Munger,

Bihara inthawka an chawh le Uttar Pradesh state a Shamlji, Kainana le Kandhla hmuna Gang (misuol pawl) hai kuoma a zawr hlak niin an puong tiin Deepak Kumar, senior SP, Muzaffarnagar district chun a hril. Tahir hi kum 2008 khawm khan Police han Pistol-a a sumdangna le inzwamin an lo man ta a nih.

British Chancellor Philip Hammond India ramah

NEW DELHI: British Chancellor of the Exechequer le Member of Parliament Philip Hammond chun ni 2 sung cham dingin zanita inthawk khan India ramah a hung inzin. Mr Philip Hammond hi India le Britain ram han inlaichinna thalem an nei thei dan ding ngaituoa

hung inzin a ni a, Governor of the Bank of England Marc Carney, Commercial Secretary Baroness Neville-Rolfe le International Trade Ministre Mark Gamier hai thangin high-level delegation team in an hung zui a, Delhi bakh Mumbaiah khawm inzin an th.

JNIMS-ah PG Course inchuk thei

IMPHAL: Jawaharlal Nehru Institute of Medical Sciences (JNIMS), Porompat a Academic Session 2017 a Post Graduate Course (MD/MS) incuk nuomhai ta dingin April 7, 2017 chen khin hnina lekha peklu thei a nih. Rs. 1000 pekin Application Form lak thei le fill up zovin April 8, 2017 zantieng dar

4:30 chen khin peklu thei ning a tih. P.G. Course inchuk theina subject-hai chu, Anatomy, Physiology, Biochemistry, Microbiology, Pathology, Pharmacology, Forensic Medicine, General Medicine, General Surgery, Obst. & Gynaec. Anaesthesia le Community Medicine hai an nih.

Electric in Bawng a man hlum

IMPHAL: Zani zantieng dr 5 vel khan Keirao Tarung Makhong, Imphal East-ah Bawng pakhat Electric in a man hlum. Bawng neitu hi N. Ibomcha Singh, s/o (L) N. Tunanbi of Keirao Awang Leikai a ni a, hlo a pet naah

Electric Transformer a va tawkfuk leia electric hin a man hlum a nih. Keirao mipui chun transformer inhuonna thatak umnaw leia hi thil hi tlung a nih tiin MSPDCL chu an intum a, compensation pe dingin an phut.

Kum 3 sungin PM Foreign-ah wawi 56 an zin tah

NEW DELHI: Narendra Modi in India PM sin a chela inthawk kum 3 sungin foreign-ah wawi 56 an zin ta niin V.K.Singh, Union Minister of State for External Affairs chun zannikhan Lok Sabha an hrietitir. PM inzinna rambungai chu, Bhutan,

US, Nepal, Japan, Russia, Afghanistan, China, Mongolia, United Arab Emirates, Cannada, Seychelles le Australia hai an nih. USA-ah wawili, China ah wawihni le Russia ah wawihni a zin tawl. Modi hin May, 2014 a inthawk PM sin hi a chel tan a nih.

AIDS invawi leia In-a inthawk hnawtdawk

MUZAFFARPUR: Gopalpur Saraura hmuna um pa pakhat chu AIDS natna an wawi leini a nuhmei le nauhai leh a pa in an In-a inthawk a hnawtdawk. Hnawtdawka um pa hin nau pathum a nei tah a, fena ding an hriet naw leini police-ah complaint an thelut a, police station-ah an um el nia hril a nih. Police hai kuoma a hril dan chun, an state puoa mason a sinthawniin, hun sawtnawte liem-

tah a hung kir le Muzaffarpur hospital a HIV natna leia inenkawl mek a nih. Police haiin suichiengna an neina a chun, chu AIDS natna inwawipa chun a sangnu a sukrinum leia a pa in a hnawtdawk niin a pa chun a hril. Ama le a nuhmei le nauhai chu In-a inthawk a hnawtdawk ngei ti police hai kuomah a hril bawh. Ni 4 liemthah khawm khaan tum khat a pa chun a lo hnawtdawk tah nia hril an nih.

India le Bangladesh in MoU 33 an ziek dinga ring

NEW DELHI: Bangladesh Prime Minister Sheikh Hasina chu ni 4 sung cham dingin Zirtawpni hin India-ah hung inzin a ta, Prime Minister Narendra Modi leh inbiekna nei an tih. New Delhi hmuna inbiekna an neina a chun MoU 33 an signed dinga ring a nih. MoU an signed ding hai lai chun Teesta vadung le inzwama agreement thu khawm a thatng dinga ring a nih.

inzin ding niin, sumdawngna le investment sukhmasawm dan le thu pawimaw dang tam tak India hmuna a cham sung ngaituon an tih. Padma le Ganges barrages siemna ding thu, vadung tui insem tlang dan, ramri enkawlna thu, border hmuna drugs inpekawng suktawh dan le human trafficking thu hai hi an ngaituo ding hai laia pawimaw zuola hril an nih. 1971 Liberation War huna sipai thi hai inzana hun Bangladesh PM hin hmang bawh a tih.

Rangkachak Rs. 25 lakh manhu man

HYDERABAD: Zanikhan Hyderabad khawpuia Rajiv Gandhi International Airport-ah Air Intelligence-a Custom officials han vuongna passenger pakhat bag sunga inthawk ramdanga inthawka laklut rangkachak grams 866,

Rs. 23.33 lakh manhu ding zet dapdawkin an man. Hi rangkachak neitu hi Oman Airlines vuongnaa Dubai-a inthawka hung vuong a nih. Rangkachak hi a suitcase sunga a thupruk a nih. A neitu hi thu indawna nei mek a nih.

Trinamool Congress MP han Protest

NEW DELHI: Trinamool Congress MP hai chun zanikhan Parliament Complex-a Mahatma Gandhi statue bulah PPF le Small Saving Schemes haia interest rate sukhnuoi a ni dodalnain protest an nei. Interest rate sukhnuoia um

hin mi naran hai a tawkpaw ping a nih tia hrilin small saving schemes haia interest rate sukhnuoi tumna chu lakir nawk dingin an gen. Hi thua hin TMC chun April 3, 2017 khan Kolkata hmuna rally an lo nei ta bawh a nih.

Churachandpur Weather Forecast: April 6, 2017 (THU)			
THU MORNING	THU AFTERNOON	THU EVENING	THU OVERNIGHT
A Few showers	Risk of a thunderstorm	Partly cloudy	Cloudy with showers
20°C	25°C	19°C	18°C
Feels like: 20	Feels like: 25	Feels like: 19	Feels like: 18
POP: 90%	POP: 80%	POP: 20%	POP: 80%
Rain: ~5 mm	Rain: 1-3 mm	Rain: -	Rain: ~1 mm
Wind: 5 km/h S	Wind: 10 km/h W	Wind: 5 km/h W	Wind: 5 km/h SW
Wind gust: 7 km/h	Wind gust: 15 km/h	Wind gust: 6 km/h	Wind gust: 5 km/h
Humidity: 89%	Humidity: 90%	Humidity: 96%	Humidity: 97%

ALL INDIA RADIO: CHURACHANDPUR PROGRAMME		
Date: April 06, 2017 (Ningani)		
TRANSMISSION- FM-101.4 Megahertz		
Hours	Studio/	Programme
4.53pm	CR/P	Signature
4.55pm		Vande Mataram, Time Reading, Opening Announcements Mangal Dhvani
5.00pm	P	Paite Devotional Songs: BYF V. Munhoih EBCC
5.05pm	P	Local Announcement/Prog. Summary
5.10pm	P	Minor Dialect (Simte): B. Dongzalian & party (dev)
5.25pm	P	Health Hints(Paite): Tobacco and its effect by Dr Chingnunsiam
5.30pm	P	PAITE Prog. Sig. Tune & Announcement Announcer: Alex Stangouthang 1) Listeners Choice (dev)
6.00pm	P	HMAR Prog., sig. Tune & Announcement Announcer: Zazokim 1) Zoramthang (mod) 2) James Buongpui (Mod)
7.00PM	P	THADOU Prog., sig. Tune & Announcement Announcer: Hemminthang 1) Listeners Choice (dev)
		Farm & Home: Paite 1) S. Chingnu (mod) 2) Talk: "Plantation for next generation" by Mary Tombing

Editorial Board
Lalmalsawm Sellate: Editor & Publisher
Roding L. Sellate: Jt. Editor
Ramditum @ Rama Ralsun: Asst. Editor
Lalsansuok Pulamte & Samuel Zothanglien @ SZ Zote: Sports
Joseph Joute: Freelance
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

LAKTAWI

UP-ah BJP leader kap hlum

MUZAFFARNAGAR: Zanikhan Uttar Pradesh-a Khatoli town a chun Bike-a chuong pasal pathum han Khatoli city BJP General Secretary hlui Raja Balmiki chu an kap hlum niin SHO KP Singh chun a hril. Hi in-thatna dodalnain zanikhan mipui lungsen han Khatoli hmunal Delhi-Dehradun National Highway lampui an dangchat a, buoina suok ding vengnain security tamlem tirlul te venghinna sin khau taka thaw a nih.

Justice Indra in Madras HC CJ

CHENNAI: Justice Indra Banerjee chun zanikhan Raj Bhavan-ah Tamil Nadu Governor Ch. Vidyasagar Rao hmaah Madras High Court Chief Justice dingin intiem-kamna a nei. Hi huna hin Chief Minister K. Palaniswami khawm a thang.

Ms Justice Banerjee hi kum 1985-a Advocate-a in registered a ni a, tuta hmam Delhi High Court a Judge sin khawm lo chel ta a nih. February, 2017-a Madras High Court Chief Justice ni lai Supreme Court Judge dinga hlangkai a ni leia a thlaktu dinga Justice Banerjee hi ruota hung um a nih.

Gujarat DGP dingin Geetha Joshi

AHMEDABAD: Gujarat Director General of Police (DGP) P.P. Pandey chu an ban leiin Gujarat DGP thar dingin senior IPS Officer Geetha Joshi ruot a nih. Geetha Joshi (59) hi 1992 batch IPS Officer, Managing Director, State Police Housing Corporation sin chel lai mek, Gujarat state a dinga nuhmei DGP hmasa tak a ni a, a sin chel mek hi DGP sin leh a chelkawp ding a nih. Pandey hi Gujarat DGP hlui Julie Riberio in a hek leia inban a nih. An banna hi Gujarat State sawrkar in a pawmpok tah. Ama hi 1980 batch IPS Officer, Gujarat cadre a nih.

Pakistan-a bomb puokah mi 6 thi

LAHORE: Zanikhan Pakistan-a Punjab province-a Lahore khawpui puotieng thichil bomb puok leiin mi 6 an thi. Thina tuok hai lai hin Census thawtu official pahni 2 census thawtu hai vengtu sipai 4 an thang. Hi thil hi zani zingkara kha thung niin local police official thusuok chun a hril a, bomb puoka hin midang 15 velin hliemna an tuok baw.

Iran Sim-khawlei inhnin-gah mi 1 thi

TEHRAN: Zanikhan Iran rama khawpui lientak pahna Mashaad bul lai chu simkhawlei richter scale 6.1 a hratin in a sawhinng leiin hi thu ei sut chena hin mi 1 in thina a tuok niin ei thu dawngna chun a hril.

Lok Sabha in Footwear Design and Development Institute Bill, 2017 a passed

NEW DELHI: Lok Sabha in zanikhan Footwear Design and Development Institute Bill, 2017 a passed. Hi Bill in a tum tak chu Footwear Design and Development Institute (FDDI) chu ram sunga ngai pawimawtak le institution pakhata siem a nih. Bill thar hin footwear le leather product haia

inckhutiina, research le training haia institutiona hlawtling siem khawm a tum bawk a nih. Institutions hai siem puitling a ni pha, footwear le leather product hran hran hai sukhmasawn ngai pawimawtak le institutiona pakhata siem a nih. Bill thar hin footwear le leather product haia

certificate pesuok thi tang a tih. FDDI chun curriculum hai sukhmasawn in, leather sector haiah training pe in skill development khawm pe thei tang a ta, India state tum tum haiah institution siem ding niin, ram tadinga sin pawimawtak a thaw ding niin Commerce and Industry Minister, Narmala

Sitharaman chun a hril. Hi bill thar hin leather industries le inzwama research thawtu hai thangpui a ta, an hma tiengin India state tum tum haiah institutions 5 hawng vat ni dingin Commerce and Industry Minister chun a hril. Institutes hawng thar ding haia inckhuk dingin mani a inchwam phawt ngai

a ta, course an zo hunah sawrkar thlungpuiin sin peng a tih. Institutions hai chu sawrkar le inzwamna tha tak neia siem ding an nih. Institutions hai a puitling huna chun India in leather siem suokna le inzwama harsatna a tuok hlak hai a um ta naw ding thu Commerce and industry Minister chun a hril.

INHRIETTIRNA

Pentecostal Youth Department (PYF), Saikawt Biel Lucky Draw an thaw April 8, 2017 a draw dinga ti chu remchangnawna a um leiin April 29, 2017 a draw lem dinga sawn a nih ti Lucky Draw ticket ditsak taka mi lo inchwam pekhai po po kuomah ka hung inhrietitir cheu. Lucky Draw hun sawnhlatna thuah khawm mi lo hriethiem dingin kan hung ngen cheu.

Sd/- Tirko Lallienthang Secretary, Saikawt Biel PYF

Advertisement for LIVE MUSIC Thursdays. Includes photos of performers CHHANA & BINI KHALHRING and FANAI, and JOSEPH PAKHUONGTE. Text: OPEN MIC NIGHTS 13 & 27. Come join us for a fun time in a positive atmosphere. Call 8413937286 for more information.

Job for NGO

Indo Global Social Service Society IGSSS is searching for the post of project officer who could work and look after the youths for development. IGSSS is a national NGO established in 1961 working in 22 state of India for different development like gender, youth development, disaster risk reduction, urban poverty. Now we are searching for the candidate who can lead the youth for development or empowerment. Minimum qualification: MSW/ MA in socio/ diploma in rural development. Working experience: minimum 2 years in development sector. Language proficiency: english, hindi, and local language including meitei. For those candidate who is interest in applying can email in nero@igsss.net with CV with covering letter on or before 15April 2017. Websites: www.igsss.org

Advertisement for ACCELERATE Nerist Entrance-2017 (Class X) Crash Course. Features: Classes daily 8:30am-10:30am-PCB. Mock Tests every SATURDAY. Regular Classes for JEE Mains 2018 from 1st May. Prepare for XII Board & Engineering/Medical simultaneous.

LAWMTHU HRILNA

Inhnawm harsa ka tiin ka tawla a na hlak a. A chang leh ka kawng a na a, kan hnawmna a inthawk thisen a suok hlak a. MV Azad Phusam ka pan a, a mi enkawl a inthawk ka hung dam ta a. Ami enkawl damtu chungah hin lawmthu ka hril. A pan nuom han Old Bazar, Teddim Road, Near ICI Church Road-ah pan thei le contact Nos. 8014025567/ 7628890261 haiah ngaiven thei a nih. Time- 8:30AM to 3:00PM

Sd/- Chiching New Lamka

Nuhmei naupang huoi sen kum 6 mi in Awle lakah a ruolnu a sanhim

KENDRAPARA: March 4, 2017 khan Odisha-a Kendrapara district-a chun nuhmei naupang huoi sen kum 6 mi Tiki Dalai chun Bankuala hmuna a ruolnu kum 7 mi Basanti Dalai chu Awle (crocodile) laka inthawk a sanhim.



Tiki Dalai le Basanti Dalai

Tiki Dalai le Basanti hai hi an khawsunga Dil pakhatah hlum taka tuu in insil lain Awle hi hung inlang thutin Basanti Dalai hi a hung bei a, chu huna Tiki Dalai hin inrang takin raw-bawng lain Awle hi a Luah a thei tawp tawpin a hlap leiin Awle hi Dil tui sungtieng an tawllut nawk leiin a unu hi Awle laka inthawk a sanhim a nih. Basanti hi a kut le a malpui hai thangin a taksa hmun dang dangah a se hliem hman a, sienkhawm a nirghmun a derthawng ta nawh tiin enkawla a umna Rajnagar Commu-

nity Health Centre (CHC) a doctor hai chun a hril. Basanti Dalai chun Awle habe-a inthawka sanhimtu a ruolnu Tiki Dalai chunga hin a lawm hle. State Forest Department chun Awle in a se hliem Basanti Dalai damdawi inekawlwa sengso popo an tum ding bakah department chun rules (dan) thar dungziuin pawisafiaa thangpuina pek a ni ding thu Divisional Forest Of-

ficer, Rajnagar Mangrove (Wildlife) Forest Division, Bimal Prasana Acharya chun a hril. DFO, Rajnagar Mangrove chun, hun le hmuna huoi sen taka che, Awle laka a ruolnu sanhimtu Tiki Dalai chu inzana in-sangtak a pek a. Hiengang tithawngna le inlauthuna thung huna thaw ding ham-har del loa um ding chun huoi senna nasa tak nei a ngai thu a hril.

EVM thu leia Rajya Sabha-ah risie siem

NEW DELHI: Zanikhan Rajya Sabha-ah Electronic Voting Machine (EVM) indiklo chungthu hrlina nei a na, member haiin risie nasatak an siem pha. Congress thuoina in opposition party tum tum haiin EVM chu BJP sawrkarin an hmakhuo ngaina leiin an siem danglam in an intum a, opposition le sawrkar nasatak in inselbuoi pha.

EVM chungthu chu Zero hour a hril a na, Congress leader Digvijaya Singh in sawrkar chu EVM hmanga Assembly election huna mi hlemtu in an tum a nih. Election nei nawkna ding hai hrim hrimah ballot papers hmang ta hlak dingin rawna a siem baw.

mission in hriifiena a siem ta thu a hril. EVM thua buoina nei taphawtin Election Commission kuoma intun a, thu kan chieng dingin a hril bawk a nih. Samajwadi party a mi Ram gopal Yadav le Nareesh Agrawal hai khawm theitawpa thangin, sawrkar intumna an siem a. Minister of State for Parliamentary Affairs Mukhtar Abbas Naqvi in EVM thua intumna an siem thenkhat chu andik nawh tiin hriifiena a lo siem ve.

Deputy Chairman P J Kurien in EVM thua buoina hai chu Election Commission kuoma intun el dingin members hai a hril a, Inpuoi roelna in iengkhawm a thaw theinaw tha a hril. Risie chu nasata siem sunzawm pei a ni leiin, Deputy Chairman P J Kurien in Inpui inthung a sukchawl pha hiel a nih.

Pope-in Lungmuon Taka Um Dingin A Dit



ROME: Khawvela sakhuo hotu lientak Roman Catholic Pope Francis chun British lal ding Prince Charles chu lungmuong taka um a, "A man of Peace" ni dingin a hril. Prince of Wales (Charles) le a nuhmei Duchess of Cornwall (Camilla) haiin a khuolzinna le inzwama Thawlenia Pope minute 30 an in-pawlpui huna a hril a nih.

nawk el a tih" tiin Pope-in midang ta dinga donation pek a uor zie a hril malam bawk a. "Midangan an dit el thei a nih" a ti fliempok baw.

Vatican City sunga mipui inkhawmna audience hall lientak sungah an pathuma an inpawl laiin, "I fena taphawtah, thlamuong taka um pei tum rawh" tiin ditsakna an hlan a. Thilpek an inpekto a, Pope Francis chun Charles chu darsena siem Olive lau kiam a pek a. "Ni rawse. Ka thei tawp suong ka tih" tiin, a huon, Highgrove country estate a inthawka siem bu, homemade food basket a pek a. "Mi dang ta dingin donate

Rs. 2,000 demonetise tumna a um nawh: Govt

NEW DELHI: Rs. 2,000 notes that/demonetise thaw tum nia hriirik le thuvuon-gva inleng thuah Congress member Madhusudan Mistry in question hour huna indawna dawnnin, Minister of state for Home Kiren Rijiju chun Rs. 2,000 notes demonetise thaw tumna a um nawh tiin zanikhan Rajya Sabha hmuna a hril.

Mr Rijiju chun, pawisa lem mana um hai lai tam tak chu Gujarat le West Bengal lakha man an ni thu a hril a, pawisa lem le tak hriet karthlak thei a ni nawh tia hril chu thudiklo a nih tiin a hril a. Demonetisation thaw a ni hnunga pawisa lem hung suok hai hi paper quality a thanaaw leiin awlsam taka hriet thei

a ni a, sienkhawm a hnung metah pawisa lem quality thalem a hung suok nawk tan thu Rijiju chun a hril. Pawisa notes siem thar haiah security feature tam tak neia siem a ni leiin tukhawmin a tak le a lem 100% inang siem thei naw nihai ti House ka hril ngam tiin Rijiju chun a hril baw.

RTI Act sukdanglam na um loa hril

NEW DELHI: Congress party in RTI Act dan sukdanglama sawrkar an tumna le inzwamin, RTI Act sukdanglamna iengkhawm a um nawh thu zanikhan Prime Minister's office (PMO) hmuna Minister of State Dr. Jitendra Singh

in a hril. RTI Act a rules and regulations hai chu sawrkarna chel hmasa Congress haiin an siem a ni lem thu Dr. Jitendra Singh chun a hril baw.

sunga a thuna ang a ni a, mani mawng hlum a ni lem thu Dr. Jitendra Singh chun a hril. Sawrkarin mipui vantlang haiin awlsam le inhawma information an hriet theina dinga lampui a siem a ni lem thu a hril baw.

Indi ram mi 24,000 ram buoina a um

NEW DELHI: Iraq, Syria le Afghanistan hai thangin ram buoina hmun haiah India ram mi 24,084 an um mek niin zanikhan sawrkar thlungpuiin a hril. Chuong hai laia 11,000 hai chu Iraq rama um an na, 8,000 vel Lebanon a um niin, 3,000 vel Afghanistan-ah an um bawk niin Minister of State

for Foreign Affairs, General VK Singh (retired) in zanikhan Lok Sabha-ah a hril. India ram mi ramdanga hrentang mek thu a chun, Ministry in record a nei dung-zuiin 2015, 2016 le 2017 haiin ramdangah India ram mi 27 thuihmang an ni thu a hril. Chuong hai laia 25 hai chu insuo an ni tah a, pakhat

thi ta in, a dang pakhat chu yemen hmuna hrentang mek a la ni thu Minister chun a hril. Non-Residential Indian (NRI) hai inneina thu buoina chungthu External Affairs Minister Sushma Swaraj in report 2,485 a hmu ta thu a hril a, chuong report hai chu 2014, 2015, 2016 le 2017 haia mi an nih.

China: Inbiekna N. Korea le inzwamna a nei nawh

BEIJING: China chun, hung thung ding Zirtawp-nia US President Donald Trump le Chinese President Xi Jinping Florida-a an inbiekna ding chu North Korea le inzwamna neiin a hriet nawh. Hi thu hi Chinese Foreign Ministry thupesawngtu Ms Hua Chunying-in dan pangngai anga regular press briefing a neinaa a hril a nih. North Korea-in tulai nuclear ralthuom le Ballistic Missile a ensin deu zing a, an hrosa pum pumna le inzwamin thenum ram-bungbai ta dingin a him naw leiin a hung lien pei

Trump chun sumdawngna hmanga China chu zawr a North Korea indangtir a lungril deu a nih. Hienglai zing hin Nilaini khan North Korea chun saktieng tuipui ah Ballistic Missile thar a kap sin nawk a. A kap sin zo vel chara inthawkin a nih Chinese foreign ministry-in hieng thu a hril chu. Journalist hai zawna dawnin, China chun mi tukhawm boruok suksang lo ding le man insum seng dingin a dit a nih, tiin a hril a. North Korea a dem am thiem an chang ti ieng-khawm a hriitlang nawh.

Trump chun sumdawngna hmanga China chu zawr a North Korea indangtir a lungril deu a nih. Hienglai zing hin Nilaini khan North Korea chun saktieng tuipui ah Ballistic Missile thar a kap sin nawk a. A kap sin zo vel chara inthawkin a nih Chinese foreign ministry-in hieng thu a hril chu. Journalist hai zawna dawnin, China chun mi tukhawm boruok suksang lo ding le man insum seng dingin a dit a nih, tiin a hril a. North Korea a dem am thiem an chang ti ieng-khawm a hriitlang nawh.

Syria rama Chemical attack-a thina tuok 70 an chuong tah

BEIRUT: Zani hmasaa Syria rama damdawi tum (chemical) hmanga inbeina tlunga mihriem thina tuok chu 70 an chuong ta niin UN Chief Antonio Guterres chun zanikhan a hril. Thina tuok hai laia 20 hai naupang le nuhmei 17 an ni a, mi thenkhat an umna chin hriet lova inhmang an um leiin thina tuok hi tuta nek hin an la hung tamlem ring a nih tiin Syrian Observatory for Human Rights chun a hril. Hienganga Chemical tum tak hmanga inbeina hi United Nations Security



Council chun a ngaimaw hle thu US Ambassador Nikki Haley chun a hril a, hi thiltlung thua hin UN chun zanikhan emergency meeting a ko nghe nghe niin ei

North Korea-in Ballistic Missile ensin nawk

SEOUL: Khawvelin an thlira, US le ruol han dang tuma thei tawpa hma a lak zing lai le China le US inbiek dinga an um zing laiin North Korea chun Nilaini khan saktieng tuipui ah Ballistic Missile a kapsin nawk a. Hi Ballistic missile hin kapsuokna Sipo submarine base a inthawka Km.60 chen, Km. 189 insang vuongin a kap phak, tiin Joint Chief of Staff thusuok chun a hril.



US Pacific Command-in a hril dan chun, ballistic missile hi medium-range missile KN-15 niin a hril a. Japan le South Korea chu a kap phak ding a nih. North Korea chun US chen kap phak ding Intercontinental Ballistic Missile siem suok a tum mek a, tuta medium-range-missile hai hin a lo ensin a nih. Kim Jong-Un chun, vavikhat chu North Korea-in US ram a la kap phak nei ding a nih, tiin UN khuokhima tamtak hnuaiah ngawr takin a missile program a fepui zing a nih. Hienglai zing hin South Ko-

liferation Studies, Dave Schermerler chun, "North Korea ensin hi Submarine Launch Base Missile (SLBM) a nih a. KN-15 medium-range missile a nih. ICBM khawm siem a tum zinga chu a la thei nawh a. Atmosphere hang luda chutaka inthawka missile guidance thaw thei ding chun North Korea thienna chun a la phak naw deuh a, kum iemani zat la ngai a tih" tiin a lo hril ve. North Korea inhrosakna le chapona hin khawvel chun a suk luah takzet a. Abikin US le a ruolha chun thei tawpa dang tumin hman an lak zing a. Politics le sum-dawngna, economics, fak le dawn thil leiin a tu tu khawm ruoltha insiem an tuma chu 'chapona' leiin khawvel sawrkarhai chun an lan do tho thaw am, ti hi sui-tuhai ngaidan a nih. Bible-in 'suotieng milien' hung lien ding a lo hril tah leiin, China le North Korea rambungai hung lien pei (ding) hi tukhawmin an dang hne tak tak naw el thei a nih. California-based James Martin Center for Non-pro-

John Legend, Gospel Song A Phuok Ve Hlak

LOS ANGELES: Oscar Award winner, singer-songwriter John Legend chun, a tlangval lai chu nungkhakhi 'hit' na dingin Gospel Songs khawm a ziek (phuok) hlak a. A chang chun a hlawtling vieua, a chang chun a hlawsam hlak niin tuta thlax suok Cosmopolitan magazine ah chun a hril.



hlak" tiin a hril. Chrissy le an innei hma chun college nuhmeihai hne tumin hla a phuok hlak niin a hril baw.

John le model Chrissy hi 2007-a John a music video Stereo an siem tumin an inhmua. Kum 5 vel hnungah 2013 khan Como, Italy ah romantic deuin an innei a nih. Ni kum khan an nautlutir Luna an nei a, April 14, 2017 hin kum khat a tling tah ding a nih. Kha hma met khan Morocco ah chwail hmangin an sungkuo pathumin an inzin a, thlalak tamtak an share tah kha.

An nu Thailand mi Chrissy Teigen-in social media haia an chanchin le ama chanchin a hrila fans hai thu le thlalak a share rapw lain ama chun a share ve rak nawha. Tuta tum chu magazine ah an sungkuo nungchang a hril ve ta a nih, a mimal inhnika leh. "The Ordinary People" hitmaker hin, phone a en (check) ngun taluo lein an nu'n a hal hlak niin a hril.

bu inhnik tak suonga fak hi inhawi an tizawng tak niin a hril. A favourite chu 'fried chicken' a nih. "Chrissy leh thlai kan suong kawp hlak a. Thlai suong thiem deu ka nih, abikin chicken, macaroni, cheese, omelettes le pancakes. Kan suong hmin pha kan leng suoka chu zovah TV en a nel" tiin an khawsak le hun hmang dan a hril.

Kum 37-a upa John Legend chun kum 31-a upa an nu Thai lanu hin social media lein a zil ve hlak niin a hril a, an ta ding chun "normal" niin a hril. "Ka phone hi ka bi ngun taluo hlak a, Twitter, Instagram, texting, le a dang dang. Hun tamtaka chu Chrissy hin 'la tawpsan' dingin a mi zil

Prince Charles Le Camilla Florence Inzin

FLORENCE, ITALY: Prince of Wales (Charles) le a nuhmei Duchess of Cornwall hai chu Thawtanni khan khawvel rambung hran hranshai fang kuola, Britain EU a inthawka an hnukdawk hnung khawma an inlaichinnahai suktawp el lo ding le siemtha pei dinga ngin ding a inzinna le inzawmin Florence, Italy an vuong lut a. Prince Charles chu "Renaissance Man of the Year" nina inhlai a nih.



Camilla Parker chun zakuo le puonbil inkawp, (drop waist dress) sen, designer Fiona Clare design a haka, bag sen le rawmawl sen leh, a nupui that lai tak a nih. Prince Charles chu a dum suit a inthuumin bowtie var leh, a papui ve khup tah a chu an inhme tawk char a nih. Britain lai ni ding chun a awmtawkin an mawi tawk tah leh.

Palazzo Vecchio ah inhlanna hunser an neina ah, "Ei inlaichinna hi tiena tlanga inthawka ei history haia inthlung nghet zing a ni zing laiin abikin tulai hin ni dang nekina ngeth nawk zuol a nih ti hi hril cheu ka nuom a nih" tiin Italy le England inthawka thua a hril a. "Kawng hran hran - culture, business, education, defence le security cooperation, innovation le research - ei hril thi haia Italy le England inlaichinna le inzawmma chun ei ram economy le society ah hmasawna ropuitaka an tluu tah a nih" tiin a hril baw.

tak rambung pahni an nih a. Thangruolin suol ei do tlang a, democracy le human rights sukhratin, mass migration le climate change hai ah ei thaw tlang baw a nih. Hieng po po hi kum za tamtak a inthawk khan ei kara inlaichinna siemthathu an lo nih tah a. Hieng thil tha po po - ei ram le hnam tungdingtu thiemmahai - hi Renaissance huna inthawk khan Florence a inthawkin a lo hung suok a nih" tia hril zovin, Florence khawpui chabi "Key of Florence" inhlai a nih baw.

nawna dinga hmalakna pakhat Slow Food Event ah thangan ham, cheese le alu a siem uoiin hai an dawn a. Hi Slow Food hi 1989 kuma indin rambung 160 haia keupeng nei tah a nih.

Prince Charles chun a thingpui ah chini a saw saa, a thlum deu met a la duh nisien a hawi. Camilla ruok chu a hung tung inhmua met lein staff han iem a dawna ti an hriet hman tah nawh a. An fe suok nawk ngal a, an fe malamin, "Ka dawn hman ta nawa chu an hnuk khawp el" tiin fiemthu a thaw a. Florence building insang tak tak an hnungtinga inlang dinga thla an lak laiin Prince Charles khawmin, "Kan lua inthawka kan kikai a dawkl vul ang chu a um naw maw" tiin fiemthu a thaw ve a, an hlim dar dar hle.

Pamela Anderson Zakuo Ra. 2.40 Lakh Man

LONDON: Liemtah 1990s laia "Baywatch" star inlar tak el, tuta ransahai humhalna dinga nasataka hmalatu, mi nunnem Pamela Anderson (49) chu a sinthawna le inzawmin London ah hun tawite chwail hmang dingin an zin a. Savun zakuo ngaina lo Anderson chun puon innem taka siem, simple deu, tiel nal sexy ang reng a hak a. A ho ang renga chu Rs. 2.40 lakh (\$3,643) man zet a nih.

hlim hle. Pamela Anderson hi ransahai humhalna dinga hmalatu, animal rights advocate, a nih a. Savuna siem incheina thuum 'animal fur' dodaltu a nih. Tu tum khawm hin Ireland President kuomah an rama ransa hmanga circus le ennuom hran hran neina le ransa pelnahai sukbo dinga ngin dinga inzin a nih.



an ngai tah. Ireland khawmin ransa hmanga insukhlammahai hi a khap ve ta ngei ka beisei" tiin.

"Chuong anga khapna dan chu a hung suok a ni chun, a lawmna dingin Guinness dawpui che ka nuom," tiin Prime Minister chu a fiel baw a nih.

Hienglai zing hin a mimal nunah Pamela Anderson chu Wikileaks founder Julian Assange le inzui hlaka hriet a nih a. Ama khawmin Julian chu, "Sexy" tiin "My Julian" a ti baw. "Julian hi mi thil hriet thi tak, pawl inhawi tak niin ka hriet. A sexy baw a nih. Thahrui le hratina a hau a, a lungri la ruok chu a hliem awl" tiin a hril a. Kum 2010-a suolluina thubuoia khawm khan inrawna a nei nawh a, an intumna kha khel a ni thu a hril a. "I will always stand by my Julian" tiin a ziek.

Ireland Prime Minister Taoiseach Enda Kenny chu, sum hmuna ding le insukhlamma dinga ransa hmanga khap chun Guinness (zu tha chi chikhat) a dawnpui (cheers) ding thu a hril. A lekhatawna chun, "Ransa sawra umhaini Irish luck" a inthawkin hlawnka an hmu ve nawh. Chu nek hmanin, an ta dinga pawimaw, natural taka an um theina ding laka inthawkin khuokhir an nih. Tulai chu mi tamtakin Circus chu ransa chungna nurawngnain

Charlotte Crosby Le Stephan, DR Beach ah

LOS ANGELES: "Ex On The Beach" star Stephan Bear (27) le "Geordie Shore" star Charlotte Crosby, MTV series "Just The Tadoo Of Us" star ve ve nih bawk pahnihai chu chanchin lum tak tak an nei lai a ni baw, insukdei dingin Dominican Republic nisa hnuoiha tuifinriet phaiphin Beach lai, tuipui sung le a kawl thingbul hnuoi lai an insukhlai a. A boruok lum ang bawkin an insukdein an insukdei tha hmel khawp el.



inthawka an hung suok lai hmu an nih a. MTV series "Just The Tadoo Of Us" an changna ding le inzawma premiere show-a thang an nih. Chu zovah Dominican Republic ah hmu an ni nawk tah a nih.

nawk tah a nih. Twitter-a a post chu, "Ka ngazawng hlui, Charlotte hmaa mihai chu, an kalak rim a sie vawng, abikin Vicky le Jem Lucy" tiin a ziek a, a delete nawk ngal a nih. Tuta Charlotte hi, "Ka hmangaitak a nih" tiin innei chen khawm an tum niin a hril. "Ka nei naw chun tuor na hlang ka thi" tiin a hril a. Charlotte khawmin, "A ni ding takpa chu a nih" tiin a hril ve.

Kourtney Kardashian, An Sungkuoin Hawaii ah

LOS ANGELES: Ni kum 2015 July khan an pa Scott Disick leh an inthe a. Kawppui dang tukhawm nei lova hun iemani chen a um hnungin sungkuo ngaina mi tak Kourtney Kardashian (37) chu an pa hlui Scott le an nauhai leh Hawaii beach ah hun an hmang kawp lai hmu a nih.



ka nih" a tia inthawk khan an kar thu a se tan a. Nasatakin an insel a. Kourtney hin inthe a rawt a. Midang khawm a nei chuong nawh a. Sungkuo tungding nuom a nih. Tuhin sungkuo angin an leng suok nawk a. Scott khawm an siem tha deu tah a hawi lein an inpawl nawk tah tah a, iengtinan an hung um pei ding hunin la hril a ti.

Kourtney chun bikini var vawng a hak a, a nauka khawmin a nu bikini ang char a hak ve a. Swimming pool le a kawl lai an inhnal a. Scott ruok chu half-pant dum le T-shirt le Tennis shoe leh zal-khum-dawkawn ah a hner inhmudumin hadam takin a zala, mobile phone an hnelpui mei mei a. An nu le a nauhai inhnal chu pangngai

an nih reng reng. Kourtney bag (backpack) Vuittin Palm Springs, hnuoi nuom nuoma a deng thang el ringawt khawm hi \$1, 960 (Rs. 1.29 lakh vel) man a nih.

Nupa nau nei tah hnung chun inthe sawng tak tak an tak a. Nau inhrui lai tak lem chu inselna ding a tam baw a, vawikhat imghawka "fe ta rawh. Ka dit ta naw che" ti khawm a awla chuh, nau lein tamtak chu an inkawp nawk hlak. Hollywood ah khawm a nih tho.

ti khawm an hriet fuk naw a hawi, am, pawl an ti nawh. Induthaw takin an inkiss mawl mawl el a nih.

Stephan le Charlotte hi beach ah hmu an ni hma deu Thawtanni khan London Facebook Headquarters a

Stephan le Vicky kha tawite an inzui hnungin November 2015 khan an inthe a, chu hnungah Lucy leh inzuiin an inthe nawk a. Tuhin Charlotte a thlang a, ieng chen an daih ding hunin la hril a ti. Tlangval lai taka ngazawng le nei nawk pei hi an ta ding renga ngai lei an ta ding, common tak nih tain ienga khawm an ngai tah nawh.

ENGLISH PREMIER LEAGUE: Leicester City an hrat zan Manchester United chu an hrat zo nawh

Thawleni zan khan English Premier League inkhel pali a um a goal pasari thun a ni baw. Burnley chun Stoke City an mikhuol a, George Boyd khat hmangin 1-0 in an lo hne. Half chenh goal thun bik an um naw a, second half minute 58 naah goal um sun hi George chun a thun a chu chu Burnley ta ding chun hratna goal an chang a, point pathum an hmu pha ta a nih. Mikhuol team Stoke haain inkhel an thunum meta chu goal an thun thei naw lein a hratnaw lemah an thang ta a nih. Table-ah Stoke hi 11-na an ni mek a, Burnley khawm an hnuoi charah umin 12-na an ni mek baw.



Jose Mourinho chun Luis Van Gaal a tluok nawh

Champion ni lai mek Leicester City chun table-a mawng dap Sunderland an mikhuol a half chenh goal thun bik an um naw a, minute 69 naah Islam Slimani chun Leicester ta dingin goal hmasa a thun a, chu hnung minute 78 naah Jamie chun goal khat a thun sa a hun tawp chenh goal dang a lut sap ta naw lein Leicester City chu an hrat lem ta a nih. Leicester City hi an Manager Claudio Ranieri an ban hnungin an hrat zawm pei a, tuhin table lailungah an hung inawrakai ta a nih. Sunderland ruok chu game 30 chenh point 20 chau nein a mawngdapah an la um zing.

ve a, 2-0 in an lo hne. Watford ta dinga goal thuntuhai chu Mbya Niang (13') le Troy Deeney (49') hai an nih. Watford tieng Miguel Britos-in minute 65 naah Red Card hmu sien khawm West Brom chun an hmang tangkai thei chuong nawh.

Dutch Coach Luis Van Gaal nekin season khatnaah Jose Mourinho a che tha naw lem. The "Special One" tia ko hiel Mourinho hi United hung dawmsangtu ding beiseia an ruoi a ni a, anachu a nuom angin a Club hi hma a sawnpui bek bek nawh. Ama hnuoi United an inkhel hnung Season khatnaah tu chen hin vawi 14 chau an la hrat a, Draw vawi 12 an nei baw bakah vawithum an hrat naw lem ta baw. Game 29 chenh point 54 char an nei a, chu chu Van Gaal-in United a enkawl lai 2014/15 season nekin point hniin a tlawm lem a nih.

Tuhin United hi Manchester City nekin point paliin an tlawm lem a, pangana an ni mek a nih. Champions League an kai ding chun inkhel ding pakuo la umhai hi a tha thei tawpa an inkhel a ngai ding tina a nih.

David Beckham Exercise a Lak Nasa Hle

LOS ANGELES: Kum li vel liemtah khan professional football a inthawkin a lo chwail taa chu, kum 41 a upa David Beckham chun taksa hriselna a la ngaisang hle a, thlansa phul kaiin a lan suksawl pei a nih.



bana tattoo tamtak inziek chu suklang pawl a ti naw niin an lang. America a um hnung hin tattoo thar a hau em em a. Tulaia hril hlaw pakhat chu, a naupa Brooklyn-in a pa kuta tattoo pakhat a entaw chun a nih. A naupa hin a tattoo hi a umzie khawm a la hriet nawa chu a pa kuta um a ni lein a thaw vel el niin an lang.

Thawleni khan Soul-Cycle, Los Angeles ah a exercise-na hmangruo (designer gym gear) hai leh, baseball cap khumin, a cycle khalna kekawr dum leh hun sawt tak a va hmang a. A dum vawnga inthuumin, a pheikhaw char a pawla a. A taksa khawm kum 40 a chuong taa chu a lan fit hle ti a suklang.

Dittawka a thlan a suk put hnungin inkhelmi a ni ang bawkin, a tha le taksa tui a seng ral pohai hmukir nawkna ding le dehydration um nawna dingin dawn chi inhnik tak tak (smoothies) umna dawr panin iemani zat a lem thlak baw a. Hadam taka dawn ding a dawn zo hnungin a car dum a hung pan a.

A naupa upatak kum 18 mi hin tulai hnai khan Native American (Red Indian) hai sam vawdan angin a sam a vaw a. A pa David Beckham hairstyle entawn bawkin Instagram ah a post a. Tamtakin 'nal' an ti laini a thaw vel el niin an lang.

14th Martyrs' Trophy tan a nih



Zani khan Saikawt khelmuolah 14th Hmar Martyr's Trophy inkhel tan a ni a, inkhel hmasa takah Zawlbuik FC (Rengkai) le Neihsieng Veng YC an inkhel a. Neihsieng Veng YC chun 2-1 in an hne. Neihsiel Veng YC ta dinga goal thuntuhai chu Michael (67') le Thangkhum (68') hai an nih a. Zawlbuik FC ta dingin an defender Joel chun minute 71 naah goal pakhat a thun baw.

an lak ngal baw. Zawlbuik FC hin Football inkhel el khelah khawtlang ta dinga thil tha tam tak an thaw a, thing phun, veng sung sukfai le kawng dang dang an thaw hlawk hle baw. December 4 khan Zawlbuik FC hin nauhawna enkawlina hmun nga an kan a thilpek tam tak an inhlaw baw. Chubakah nikum October 29 khan District Hospitalah thisen pawimawhai ta dingin thisen an pek baw. Anni hin Football inchnukna dingin North Eastern Children's Home Playground an hmang hlak.

Pep Guardiola angin Barca Coach Luis Enrique chun season tawpah chawl hmang a tum

Tuta season fe mek a tawp pha Barcelona Coach Luis Enrique chun kum khat bek Coaching a tawpsan ding thu a hril. A hma khawm khan Barcelona Coach the Pep Guardiola chun Barcelona a maksan zovin kum khat a chawl a, chu hnungah Bayern Munich a hung enkawl nawk chau a nih. Luis Enrique hin kum tum sung Barcelona FC a enkawl a Champions League vawikhat an lak hman bakah League



lona Club le player-hai leh inzawmna inthuk tak kan nei a, hlawtlingna khawm kan chang, anachu ka sawl em lein ka chawl hri phawt a ngai a nih," tiin reporter-hai kuomah a hril.

Cup pahni an lak hman baw. Ama hi Arsenal Manager Arsene Wenger thlaktu dinga hril rik a ni a, anachu Barca a enkawl zovah sin dang a zawng hri naw ding thu a hrilchieng tah. "Barce-

Premier League Standings table with columns: Pos, Team, GP, W, D, L, GF, GA, GD, PTS. Lists teams from Chelsea to Sunderland.

Zawlbuik FC hi nikuma

Neihsiel Veng YC khawm tuta tum hi an vawithum thangna an ta a, nikum khan Quarter Final chen an lo kai baw a nih. Anni hi Group D-a an umkhawm a, tuhin Group Match pahni ve ve an la nei ding a nih.